



Broj: 05/1-50-13-312-5-3c/14
Sarajevo, 28.11. 2014. godine

ZAPISNIK

5. sjednice Nezavisnog odbora Parlamentarne skupštine BiH

Sjednica je održana 28.11.2014., s početkom u 10 sati.

Sjednicu je sazvao Žiko Krunić, predsjednik Nezavisnog odbora.

PRISUTNI ČLANOVI NEZAVISNOG ODBORA: Žiko Krunić, predsjednik Nezavisnog odbora, Enes Obralića, prvi zamjenik predsjednika Nezavisnog odbora, Mato Jozić, drugi zamjenik predsjednika Nezavisnog odbora, Ilma Mehić - Jusufbašić, Adisa Begić, Nikola Džambas, Mato Miletić, Ljubomir Kuravica, Miroslav Škorić, članovi Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicu je pratio i Zoran Brkić iz Sektora za odnose s javnošću Sekretarijata Parlamentarne skupštine BiH, te Dijana Šatara i Senad Zlatar predstavnici OHR-a.

Predsjednik Nezavisnog odbora Žiko Krunić konstatovao je da postoji kvorum za rad i otvorio 5. sjednicu Nezavisnog odbora Parlamentarne skupštine BiH

Nakon otvaranja sjednice predsjednik je predložio sljedeći

DNEVNI RED

1. Usvajanje Zapisnika sa 4. sjednice Nezavisnog odbora;
2. Usvajanje Zapisnika sa 1. hitne sjednice Nezavisnog odbora;
3. Informacija o aktuelnom stanju u Graničnoj policiji BiH;
4. Izvještaj o posjeti Nezavisnog odbora Direkciji za koordinaciju policijskih tijela BiH;
5. Tekuća pitanja

Nakon predlaganja dnevnog reda a prije glasanja o istom predsjednik Nezavisnog odbora je otvorio raspravu o dnevnom redu.

Za riječ se javio prvi zamjenik predsjednika Nezavisnog odbora gosp. Enes Obralića koji je predložio da se za današnju sjednicu uvrsti još jedna tačka dnevnog reda koja glasi: „**Razmatranje inicijative za donošenje Odluke o eventualnom upućivanju prijedloga za suspenziju direktora Držane agencije za istrage i zaštitu BiH**“.

Za ovaj prijedlog glasalo je svih 9 članova Nezavisnog odbora

Nakon što je usvojen prijedlog dopune dnevnog reda prvog zamjenika predsjednika Nezavisnog odbora gosp. Enesa Obralića predsjednik Nezavisnog odbora konstatovao je sljedeći :

D N E V N I R E D

1. Usvajanje Zapisnika sa 4. sjednice Nezavisnog odbora;
2. Usvajanje Zapisnika sa 1. hitne sjednice Nezavisnog odbora;
3. Informacija o aktuelnom stanju u Graničnoj policiji BiH;
4. Izvještaj o posjeti Nezavisnog odbora Direkciji za koordinaciju policijskih tijela BiH;
5. Razmatranje inicijative za donošenje Odluke o eventualnom upućivanju prijedloga za suspenziju direktora Držane agencije za istrage i zaštitu BiH;
6. Tekuća pitanja

Ad.1. Usvajanje Zapisnika sa 4. sjednice Nezavisnog odbora;

Zapisnik 4. sjednice Nezavisnog odbora usvojen je jednoglasno, bez primjedbi.

Ad.2. Usvajanje Zapisnika sa 1. hitne sjednice Nezavisnog odbora;

Zapisnik 1. hitne sjednice Nezavisnog odbora usvojen je jednoglasno, bez primjedbi.

Ad.3. Informacija o aktuelnom stanju u Graničnoj policiji BiH;

U uvodu u raspravu o ovoj tački dnevnog reda na koju je bio pozvan i direktor Granične policije BiH gosp. Zoran Galić predsjednik Nezavisnog odbora je informirao ostale članove

da je gosp. Galić iz opravdanih razloga spriječen da prisustvuje današnjoj sjednici o čemu je na vrijeme upoznao rukovodstvo Nezavisnog odbora.

S tim u vezi članovi Nezavisnog odbora su jednoglasno prihvatili opravdan razlog ne dolaska gosp. Zorana Galića na sjednicu te da ostaje obaveza da se u narednom periodu obavi razgovor.

Ad. 4. Izvještaj o posjeti Nezavisnog odbora Direkciji za koordinaciju policijskih tijela BiH;

Predsjednik Nezavisnog odbora je u uvodu o ovoj tački dnevnog reda informisao članove Nezavisnog odbora da su shodno nadležnostima ovog tijela i usvojenim Planom rada za 2014. godinu članovi Nezavisnog odbora u sastavu Žiko Krunić, predsjednik, Ilma Mehić Jusufbašić i Nikola Džambas, članovi te Ivana Lovrić sekretar Nezavisnog odbora 19.11.2014. godine posjetili Direkciju za koordinaciju policijskih tijela BiH.

Predsjednik je ukratko usmeno informisao članove Nezavisnog odbora o sastanku s rukovodstvom Direkcije za koordinaciju policijskih tijela gosp. Mirsadom Vilićem, direktorom i gosp. Mile Jurić, zamjenikom direktora.

Dogovoreno je da će se pismeni izvještaj pripremiti i razmatrati na jednoj od sljedećih sjednica Nezavisnog odbora.

Članovi Odbora nisu imali primjedbi i primili su k znanju usmenu informaciju o sastanku s predstavnicima Direkcije za koordinaciju policijskih tijela BiH.

Ad. 5. Razmatranje inicijative za donošenje Odluke o eventualnom upućivanju prijedloga za suspenziju direktora Držane agencije za istrage i zaštitu BiH;

Predsjednik Nezavisnog odbora je otvorio raspravu o ovoj tački dnevnog reda. U raspravi je učestvovala većina članova Nezavisnog odbora. Veći broj članova Nezavisnog odbora je stajališta da je u ovom trenutku preuranjeno donositi bilo kakvu odluku jer je u toku sudski postupak protiv direktora Državne agencije za istrage i zaštitu pred Sudom BiH zbog nesavjesnog rada u službi a u vezi s protestima građana koji su vođeni u Sarajevu 7. februara 2014. godine, te da nije doneseno konačno i pravosnažno rješenje o zabrani pristupa tajnim podacima.

Nakon rasprave Nezavisni odbor je jednoglasno donio:

ZAKLJUČAK

Nezavisni odbor će odluku o eventualnom pokretanju inicijative donijeti u narednom periodu.

Ad. 6. Tekuća pitanja

Pod ovom tačkom dnevnog reda dogovorno je da će članovi Nezavisnog odbora u sklopu svojih redovnih aktivnosti a u skladu sa usvojeni Planom i programom Nezavisnog odbora za 2014. godinu u narednom periodu posjetiti Državnu agenciju za istrage i zaštitu.

Predsjednik Nezavisnog odbora Žiko Krunić zaključio je sjednicu u 12,30 sati.

SEKRETAR
NEZAVISNOG ODBORA
Ivana Lovrić

PREDSJEDNIK
NEZAVISNOG ODBORA
Žiko Krunić